

ქ. რუსთავი

29 სექტემბერი 2015 წელი

ერთი მხრივ, ქალაქ რუსთავის მუნიციპალიტეტი (შემდგომში „შემსყიდველი“) წარმოდგენილი ქალაქ რუსთავის მუნიციპალიტეტის მერის მოადგილის ლაშა ლობჯანიძეს სახით და მეორე მხრივ, შპს „ვინდლაიფ“ (შემდგომში „მიმწოდებელი“) წარმოდგენილი მისი დირექტორის შორენა წურქავას სახით, „სახელმწიფო შესყიდვების შესახებ“ საქართველოს კანონის მე-3 მუხლის 1-ლი პუნქტის „ქ“ ქვეპუნქტის (წარმომადგენლობითი ხარჯები) და ქალაქ რუსთავის მუნიციპალიტეტის მერის 2015 წლის 25 სექტემბრის №1568 ბრძანების თანახმად, დებენ წინამდებარე სახელმწიფო შესყიდვების შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;
- 1.6 „მხარე“ - „შემსყიდველი“ ან/და „მიმწოდებელი“.
- 1.7 „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.8

2. ხელშეკრულების საგანი

- 2.1 100 (ასი) ცალი სასაჩუქრე ფლეშის შეძენა (CPV30200000)
- 2.2 „მიმწოდებლის“ მიერ ხელშეკრულებით ნაკისრი ვალდებულების აღწერა მოცემულია დანართ №1-ში.
- 2.3

3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 2 600.00 (ორი ათას ექვსასი ლარი და 00 თეთრი) ლარს.
- 3.2 ხელშეკრულების საერთო ღირებულება მოიცავს „მიმწოდებლის“ მიერ ხელშეკრულებით გათვალისწინებული ვალდებულების შესრულებასთან დაკავშირებულ ყველა ხარჯსა და საქართველოს კანონმდებლობით გათვალისწინებულ გადასახადებს.

4. ანგარიშსწორების ფორმები და ვადები

- 4.1 „მიმწოდებელთან“ ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში.
- 4.2 ანგარიშსწორება იწარმოებს „მიმწოდებლის“ მიერ ხელშეკრულებით ნაკისრი ვალდებულების დამადასტურებელი შესაბამისი მიღება-ჩაბარების აქტის, საგადასახადო ანგარიშ-ფაქტურისა და სასაქონლო ზედნადების საფუძველზე.
- 4.3 ანგარიშსწორება გაწევის ვადა: 4.2 პუნქტით გათვალისწინებული დოკუმენტაციის წარმოდგენიდან 20 (ოცი) სამუშაო დღე.
- 4.4 დაფინანსების წყარო: 2015 წლის ადგილობრივი ბიუჯეტი.

5. მიღება-ჩაბარების წესი

- 5.1 ხელშეკრულებით ნაკისრი ვალდებულების შესრულების შემდეგ მიმწოდებელი შემსყიდველს წარუდგენს მიღება-ჩაბარების აქტს.
- 5.2 შემსყიდველის მხრიდან მიღება-ჩაბარების აქტზე ხელს აწერს ქალაქ რუსთავის მუნიციპალიტეტის მერიის ადმინისტრაციის უფროსი, ხოლო მიმწოდებლის მხრიდან შპს „ვინდლაიფ“-ის წარმომადგენელი.
- 5.3 მიღება-ჩაბარების აქტში მითითებული უნდა იყოს:
 - „მიმწოდებლის“ მიერ შესრულებული ვალდებულების დასახელება;
 - „მიმწოდებლის“ მიერ შესრულებული ვალდებულების ღირებულება;
 - „მიმწოდებლის“ მიერ შესრულებული ვალდებულების აღწერა.

6. საქონლის მიწოდების ვადა და ადგილი

- 6.1 საქონლის მიწოდების ადგილი: ქ. რუსთავი, კოსტავას გამზ. №20.
- 6.2 საქონლის მიწოდების ვადა: ხელშეკრულების გაფორმებიდან 2015 წლის 8 ოქტომბრამდე.

შემსყიდველი



მიმწოდებელი



7. მხარეთა უფლება-მოვალეობანი

- 7.1 შემსყიდველი უფლებამოსილია:
- ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;
 - ბ) საქონლის სრულ და ჯეროვნად მიწოდებამდე გამოითხოვოს მიმწოდებლისაგან მისთვის საჭირო დოკუმენტი.
- 7.2 შემსყიდველი ვალდებულია:
- ა) უზრუნველყოს მიმწოდებლის მიერ შესრულებული ვალდებულებების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 7.3 მიმწოდებელი უფლებამოსილია მოსთხოვოს შემსყიდველს შესრულებული ვალდებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 7.4 მიმწოდებელი ვალდებულია:
- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით, იმ ვადაში, რომელიც მითითებულია ხელშეკრულების 6.2 პუნქტში;
 - ბ) წუნის (დეფექტის) შემთხვევაში მიმწოდებელმა უნდა უზრუნველყოს აღნიშნული დეფექტური საქონლის შეცვლა შემსყიდველის მოთხოვნის შესაბამისად, მოთხოვნიდან 2 (ორი) სამუშაო დღის განმავლობაში.

8. ხელშეკრულებით ნაკისრი ვალდებულებების შესრულების ინსპექტირება

- 8.1 ხელშეკრულებით ნაკისრი ვალდებულების შესრულების ინსპექტირებას განახორციელებს ქალაქ რუსთავის მუნიციპალიტეტის მერიის ადმინისტრაცია (წარმოდგენილი მისი უფროსის სახით).
- 8.2 ინსპექტირების გამწევის ფუნქციები:
- ა) „მიმწოდებლის“ მიერ ხელშეკრულებით ნაკისრი ვალდებულების ხარისხსა და მიწოდების ვადების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება, მიღება-ჩაბარების აქტის გაფორმება.
 - ბ) სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება.
 - გ) „მიმწოდებლის“ მიერ ხელშეკრულებით ნაკისრი შესრულებული ვალდებულების ნაკლოვანებებს ინსპექტირების გამწევი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.
- 8.3 „მიმწოდებლის“ მიერ ხელშეკრულებით ნაკისრი ვალდებულების შესრულებისას გამოვლენილი ყველა ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

9. პირგასამტეხლო ხელშეკრულების პირობების შეუსრულებლობისათვის

- 9.1 „მიმწოდებლის“ მიერ ხელშეკრულებით ნაკისრი ვალდებულების შესრულების ვადის გადაცილების შემთხვევაში, „მიმწოდებელს“ დაეკისრება პირგასამტეხლო ყოველ გადაგადაცილებულ დღეზე ხელშეკრულების შეუსრულებელი ვალდებულების ღირებულების 0,5% -ის ოდენობით.
- 9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების შეუსრულებელი ვალდებულების ღირებულების 5%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
- 9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

შემსყიდველი



მიმწოდებელი



- 10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.5 მხარე ვალდებულია 10.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დაუძლეველი ძალა

- 11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მეორე მხარე არ გათავისუფლდება ნაკისრი ვალდებულებებისაგან.
- 11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების დასაწყისში მითითებული თარიღიდან და მოქმედებს 2015 წლის 31 დეკემბრის ჩათვლით.

რეკვიზიტები

„შემსყიდველი“

ქალაქ რუსთავის მუნიციპალიტეტი
მის: ქ.რუსთავი, მკოსტავას გამზირი №20
საიდენტიფიკაციო კოდი № 216433287
სახელმწიფო ხაზინა
ხაზინის ერთიანი ანგარიში
ბ/კ № TRESGE22
ა /ა № GE24NB0330100200165022

ქალაქ რუსთავის მუნიციპალიტეტის მერის
მოადგილე

„მიმწოდებელი“

შპს „ვინდლაიფ“
მის: ქ. რუსთავი, კოსტავას გამზ.14-2
საიდენტიფიკაციო კოდი №216447281
სს „ბანკი რესპუბლიკა“ ცენტრალური ფილიალი
ბ/კ № REPLGE22
ა /ა № GE97BR0000010406550359

შპს „ვინდლაიფ“-ის დირექტორი

ლამა ლომჯანიძე



შორენა წერეთელი



ინსპექტირებაზე პასუხისმგებელი პირი: ნინო ნიკოლავა

დანართი №1

№	დასახელება	რაოდენობა (ცალი)	ერთეულის ფასი (ლარი)	საერთო ფასი (ლარი)
1	სასაჩუქრე ფლეში ზგბ წარწერით	100	26	2600

შპს „ვინდლაიფ“-ის დირექტორი: შორენა წურუკვა



ინფორმაცია ინტერესთა კონფლიქტის შესახებ

ქ. რუსთავი

29 სექტემბერი 2015 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ ქალაქ რუსთავის მუნიციპალიტეტის მიერ გამარტივებული შესყიდვის საშუალებით შპს „ვინდლაიფ“-ისგან 100 (ასი) ცალი სასაჩუქრე ფლემის შესყიდვის განხორციელებაში მისი მონაწილეობა არ იწვევს ინტერესთა კონფლიქტს.

ქალაქ რუსთავის მუნიციპალიტეტის
მერის მოადგილე:



ლაშა ლობჯანიძე

ქალაქ რუსთავის მუნიციპალიტეტის მერიის
ადმინისტრაციის უფროსის
მოვალეობის შემსრულებელი:




ნინო ნიკოლავა



საქართველო

ქალაქ რუსთავის მუნიციპალიტეტის მერის



ბრძანება №1568

2015 წლის 25 სექტემბერი

საქართველო, ქალაქი რუსთავი

ქალაქ რუსთავის მუნიციპალიტეტის მერიის ადმინისტრაციის წარმომადგენლობითი ხარჯიდან თანხის გამოყოფის თაობაზე

„ადგილობრივი თვითმმართველობის კოდექსი“-ს 54-ე მუხლის პირველი ნაწილის „ე.ე“ პუნქტის, 61-ე მუხლის მესამე ნაწილის „ა“ პუნქტის, „საქართველოს საგადასახადო კოდექსი“-ს მე-8 მუხლის 33-ე ნაწილის, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტის, 21-ე მუხლის 1¹-ლი პუნქტის „გ“ ქვეპუნქტისა და ქალაქ რუსთავის მუნიციპალიტეტის მერიის ადმინისტრაციის უფროსის მოვალეობის შემსრულებლის- ნინო ნიკოლაშვილის 2015 წლის 25 სექტემბრის №3080/02 და 3082/02 წერილების გათვალისწინებით

ვ ბ რ ძ ა ნ ე ბ:

1. „რუსთაველაქობის“ კვირეულის ფარგლებში, მიმდინარე წლის 4 ოქტომბერს გასამართ ახალგაზრდულ გასართობ ღონისძიებებზე მოწვეული სტუმრების გამასპინძლების მიზნით, ქალაქ რუსთავის მუნიციპალიტეტის მერიის ადმინისტრაციის წარმომადგენლობითი ხარჯებიდან გამოიყოს 840 (რვაას ორმოცი) ლარი. (მომსახურების გაწევას უზრუნველყოფს შ.პ.ს. „ზანდური“ (ს/კ416292461)).
2. „რუსთაველაქობასთან“ დაკავშირებით დაგეგმილი ღონისძიებების ფარგლებში მოწვეული სტუმრების ტკბილეულითა და უალკოჰოლო სასმელებით გამასპინძლების მიზნით, სასაჩუქრე წიგნებისა და სუვენირების შესაძენად, ქალაქ რუსთავის მუნიციპალიტეტის მერიის ადმინისტრაციის წარმომადგენლობითი ხარჯებიდან გამოიყოს 15 560 (თხუთმეტი ათას ხუთას სამოცი) ლარი. (ტკბილეულისა და უალკოჰოლო სასმელების მოწოდებას 500 (ხუთასი) ლარის ოდენობით უზრუნველყოფს შ.პ.ს. „მადაგონი 2“ (ს/კ 416294557), სასაჩუქრე წიგნების მოწოდებას 7 860 (შვიდი ათას რვაას სამოცი) ლარის ღირებულებით უზრუნველყოფს შ.პ.ს. „სეზანი“ (ს/კ 203862551), სუვენირების მოწოდებას 7 200 (შვიდი ათას ორასი) ლარის ოდენობით უზრუნველყოფს შ.პ.ს. „ვინდლაიფ“-ი (ს/კ 216447281).
3. ქალაქ რუსთავის მუნიციპალიტეტის მერიის ადმინისტრაციის უფროსის მოვალეობის შემსრულებელს- ნინო ნიკოლაშვილს დაევალოს საორგანიზაციო საკითხებზე ზედამხედველობა და მიენიჭოს შესაბამის მიღება-ჩაბარების აქტებზე ხელმოწერის უფლებამოსილება.

4. დაევალოს მერიის საფინანსო-საბიუჯეტო სამსახურს (მამუკა მამაიაშვილი) საქართველოს კანონმდებლობით დადგენილი წესით ანგარიშსწორება განახორციელოს შესაბამისი დოკუმენტაციის საფუძველზე.
5. ბრძანება ძალაშია გაცნობისთანავე.
6. ბრძანება შეიძლება გასაჩივრდეს რუსთავის საქალაქო სასამართლოში (რუსთავი, ბოსტან-ქალაქის ქუჩა №6) საქართველოს ადმინისტრაციული საპროცესო კოდექსის 22-ე მუხლის მე-3 ნაწილით დადგენილი წესით, გაცნობიდან ერთი თვის ვადაში.

ქალაქ რუსთავის
მუნიციპალიტეტის მერი



დავით ჯიქია